

西北稀見方誌文獻

第五十二卷

中國西北文獻叢書



中國西北文獻叢書・第一輯

西北稀見方誌文獻

第五十二卷



目錄

平遠縣志

清 陳月新纂

三

花馬池志

清 佚名

一三一

靈州志

清 楊芳燦修

一九九

郭楷纂

光緒五年季夏開雕

平遠縣志

板存縣署

版本:	二九三×一七五 (毫米)
版芯:	二〇五×一三七 (毫米)

創修平遠縣志序

己卯秋攝平遠縣事陳明府煥齋以手撰縣志稿本

封賞乞予筆削并序瓜代有期梓以遺後世序無港

政務旁午又曾經始隴東渠工心無暇來使待覆於

門少間予展視為卷十綱也為條若干綴於卷下目

也

朝廷設官分職上下相維事期共濟矧志所關甚鉅予

弗從而商權酌加刪潤可乎纂修者善否增損者合

否予皆不得而知至於量地制邑天時地利人事靡

不瞭如指掌其間有不及詳備者時方叔始也憶自

隴上定

制府左侯相慮深控御請升固原為直隸州予及廖

直刺曉東陳君殫精區畫又幾經崇方伯峻峰楊廉
訪慶伯因時議制侯相裁奪入告始成斯邑陳君攝
縣事招徠開墾勦舉諸務又越六載始有此規模見
諸是志陳君之用心良苦矣陳君之盡職可知矣善
始必期善繼陳君將舉今昔事持以告新令尹而後
之接踵至者使皆本此以深惕厲遞展嘉猷蒸蒸日上

上續是志以為

國家光是亦予之厚企也

清光緒五年己卯八月平慶涇固化道邵陽魏光燾序

周制四百里為縣者懸也四百里民
命取懸繫者也四百里之地之事筆之
於書謂之縣志者記也示不忘也知縣
者知一縣之事也而知縣為四百里民命
懸繫之人凡四百里之地之事又烏可忘

同治十三年秋

議新設平遠縣定余捧檄首宰斯

古今瓜代有期矣使將四百里之地事
而忘之將何以告新令尹唯是採輯
既建治之後四百里今日之事也追溯未
建縣治之前四百里疇昔之事也第兵
燹後文獻無徵必欲將歷代政治之因
革市井廢興人事代謝風化轉移四
百里地今日之事疇昔之事歷歷如畫卷

亦鷄矣摠之平遠幅員割之鹽固靈州
地第取鹽固靈州志擇其幅員之在
平遠者而筆削之其軼乃蒐羅於他
說將有以持之告新令尹者然則平遠
一縣四百地今日之事曷昔之事宛在目
前開卷了然雖欲忘之焉而忘之縣之不
可無志也如是

光緒五年己卯九月日直隸州知州用署

平遠縣知縣海城縣知縣湖北蘄

水陳日新撰於署



平遠縣志凡例

一志尚體裁平遠以邊徼地創縣治於亂後人煙寥落既不能延名流爲總纂分纂又無紳士召集以備采訪皆予一人蒐求一手編輯難期體裁允當

一省志宜簡府州縣志宜詳予才學疏淺旣虞脫漏又難免病俗傷繁

一志內援引古事僻壤無載籍蒐羅以資考證其中不無錯誤

疆域城池既有圖矣仍載入建置卷內爲志其詳細又
武員既列官師仍載入各汛以昭防守非重複也

一志內學校官師等卷均以建邑之年爲始以前概從畧
又封爵墓已散見於建置古蹟各卷無庸復贅

一是志第就今日已舉之事志之如

文武廟及各祠祀等類庫款支絀尚未建設故未載入又
民丁多自五方遷徙習尚各殊尚待善政齊之故風俗
在今不能立卷又祥異一類無從稽考亦未列載

一志內有綱目而不能備舉者如學校一卷凡學官學田
書院義學社學賓興等項目前未設故不能附載又如
人物一卷凡歷代忠節孝義儒林循吏隱逸烈女等項
皆末由稽考故第就經予考覈者志之其他不敢附會
選舉宜獨立一卷惟歷代徵辟保薦明經進士諸貢等
類無從搜索故但從同治癸酉科舉人載起附於學校
一鹽課向歸鹽商完納兵燹後無商議由地丁攤派雖未
定制礙難別立一卷又戶口乃辟土之人物產爲土宜

所出故與鹽課皆歸入田賦卷以免瑣屑

一予修理城署等記竝詩若干首因其言有關時事附載藝文卷尾工拙不記也

一是志非敢言志他日人民日眾土地日辟風教日開俾續修者得有所援而已